

Հաստատված է

ՀՀ ԳԱԱ ԳԿՄԿ գիտական խորհրդի

«04» ապրիլի 2022 թ. թիվ 167 նիստում

ՀՀ ԳԱԱ ԳԿՄԿ տնօրեն

Ա. Սարգսյան



Ը Ն Թ Ա Յ Ա Կ Ա Ր Գ

ՀՀ ԳԱԱ ԳԻՏԱԿՐԹԱԿԱՆ ՄԻՋԱԶԳԱՅԻՆ ԿԵՆՏՐՈՆՈՒՄ ԱՄՊԻՐԱՆՏՈՒՐԱՅԻ

ԸՆԴՈՒՆԵԼՈՒԹՅԱՆ, ԴՈԿՏՈՐԱՆՏՈՒՐԱՅԻ ԵՎ ՀԱՅՑՈՐԴՈՒԹՅԱՆ

ՁԵՎԱԿԵՐՊՄԱՆ

(Նոր խմբագրությամբ)

Ընդհանուր դրույթներ

Սույն ընթացակարգը ընդունված է ՀՀ Կառավարության 2016 թվականի փետրվարի 25-ի N238-Ն որոշման «Հայաստանի Հանրապետության ասպիրանտուրայի ընդունելության և ուսուցման, դոկտորանտուրայի և հայցորդության ձևակերպման կարգ»-ի պահանջներին համապատասխան:

Սույն ընթացակարգով իրականացվում է ՀՀ Գիտությունների ազգային ակադեմիայի գիտակրթական միջազգային կենտրոնում ասպիրանտուրայի ընդունելությունը, ինչպես դոկտորանտուրայի և հայցորդության ձևակերպումը:

Ասպիրանտուրան, դոկտորանտուրան և հայցորդությունը հետբուհական կրթության համակարգում գիտամանկավարժական ու գիտական բարձր որակավորում ունեցող կադրերի պատրաստման ձևեր են, որոնք իրականացվում են ՀՀ կրթության, գիտության, մշակույթի և սպորտի նախարարության «ՀՀ բարձրագույն որակավորման կոմիտեի» «Հայաստանի գիտական աստիճանաշնորհման անվանացանկին» համապատասխան մասնագիտություններով:

1. Ասպիրանտուրա

1.1. Ասպիրանտուրա մրցութային կարգով կարող են ընդունվել ՀՀ այն քաղաքացիները, ովքեր ստացել են մագիստրոսի կամ դիպլոմավորված մասնագետի որակավորում:

1.2. Նախկինում ասպիրանտուրան ավարտած կամ ասպիրանտուրայից անհարգելի պատճառով ազատված անձինք կրկին պետպատվերով ասպիրանտուրա ընդունվել չեն կարող:

1.3. Ասպիրանտուրայի ընդունելության համար դիմորդն ավարտական տարվա ընթացքում պետք է ունենա օտար լեզվից համապատասխան միավոր ստացած վկայական: ՀՀ ԿԳՄՍ նախարարության կողմից սահմանված անհրաժեշտ նվազագույն միավոր է համարվում`

ա) անգլերեն` “TOEFL” (iBT) 46 միավոր կամ “IELTS” 5.5 միավոր

բ) գերմաներեն` “on DaF” 60 միավոր

գ) ֆրանսերեն` “TCF” 200 միավոր:

1.4. Օտար լեզվի քննության վկայականը դիմումի և պահանջվող մյուս փաստաթղթերի հետ դիմորդը ներկայացնում է ընդունող հանձնաժողովին:

1.5. ԳԱԱ գիտակրթական միջազգային կենտրոնի տնօրենի հրամանով ասպիրանտուրայի ընդունելության կազմակերպման համար ստեղծվում է ընդունող հանձնաժողով` տնօրենի նախագահությամբ:

1.6. Ասպիրանտուրայի առկա ձևով ուսուցման համար` համաձայն ՀՀ կառավարության կողմից հասկացված տեղերի և ԿԳՄՍ նախարարության կողմից առաջարկված ժամանակացույցի, ասպիրանտուրայի բաժնում ընդունող հանձնաժողովը կատարում է դիմորդների փաստաթղթերի ընդունում:

1.7. Մասնագիտական քննության ժամանակացույցը հաստատում է գիտական կազմակերպության ղեկավարը: Հարցաշարը տրամադրվում է մասնագիտական քննությունից մեկ ամիս առաջ: Քննության անցկացման օրվա, տեղի և ժամանակացույցի

վերաբերյալ տեղեկատվությունը յոթ օր առաջ փակցվում է գիտական կազմակերպության նախատեսված վայրում և տեղադրվում կայքէջում:

1.8. Ասպիրանտուրա ընդունվողը մասնագիտությունից քննությունը հանձնում է ԳԱԱ համապատասխան գիտական կազմակերպությունում, որտեղ կազմակերպության ղեկավարի հրամանով ստեղծվում է մասնագիտական քննական հանձնաժողով: Հանձնաժողովի կազմում ընդգրկվում են տվյալ մասնագիտական բնագավառի գիտական աստիճան և/կամ գիտական կոչում ունեցող երեքից հինգ մասնագետ:

1.9. Ասպիրանտուրա ընդունվելու դիմումը հասցեագրվում է ՀՀ ԳԱԱ Գիտակրթական միջազգային կենտրոնի տնօրենին:

1.10. Դիմումին կից անհրաժեշտ է ներկայացնել հետևյալ փաստաթղթերը (երկու օրինակից)՝

- Բակալավրի և մագիստրոսի կամ դիպլոմավորված մասնագետի կամ օրդինատորի դիպլոմի և դրանց հավելվածների պատճենները (եթե դրանք դեռևս ստացված չեն, ապա համապատասխան տեղեկանք բուհից), օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին
- Կադրերի հաշվառման անձնական թերթիկ
- Ինքնակենսագրություն
- Երեք լուսանկար (3x4 չափսի)
- Օտար լեզվի ատեստավորման վկայական
- Ընտրված մասնագիտությամբ հրատարակված առնվազն մեկ գիտական աշխատանքի պատճենը կամ գիտական ռեֆերատ՝ առնվազն 20 տպագրական էջի սահմաններում (մեկ օրինակ)
- Քաղվածք աշխատանքային գրքույկից (առկայության դեպքում)
- Անձնագրի և զինվորական գրքույկի պատճենները
- Երկու թղթապանակ (կապվող):

1.11. Անձնագրի, զինվորական գրքույկի, բարձրագույն կրթության մասին դիպլոմների բնօրինակները ներկայացվում են:

1.12. Ընդունելության մասնագիտական քննությունն անցկացվում է բանավոր՝ ԳԱԱ համապատասխան գիտական կազմակերպությունում ձևավորված մասնագիտական քննական հանձնաժողովում:

1.13. Մասնագիտական քննությունը գնահատվում է 20 միավորանոց սանդղակով: Քննությունը համարվում է հանձնված, եթե դիմորդը ստացել է առնվազն «13» միավոր «20» միավորանոց սանդղակով: Քննության արդյունքն արձանագրվում է ընդունվողի քննական թերթում, որտեղ նշվում է հանձնաժողովի յուրաքանչյուր անդամի կողմից յուրաքանչյուր հարցի վերաբերյալ նշանակված գնահատականների միջին թվաբանականը: Քննական թերթը ստորագրում են հանձնաժողովի նախագահը և հանձնաժողովի անդամները (2-ից ոչ պակաս):

1.14. Քննության վերահանձնում չի թույլատրվում:

1.15. Մասնագիտական քննության արդյունքը ուժի մեջ է տվյալ ուսումնական տարվա տվյալ հաստատության ընդունելության քննության ընթացքում:

1.16. Դիմորդը քննությանը ներկայանում է անձը հաստատող փաստաթղթով:

1.17. Օտարերկրացիների ընդունելությունը ԳԱԱ ասպիրանտուրայում իրականացվում է «ՀՀ բարձրագույն ուսումնական հաստատություններ օտարերկրյա քաղաքացիների ընդունելության կարգ»-ի պահանջներին համապատասխան:

Մրցույթի անցկացում

Մրցույթն իրականացվում է՝ ըստ մասնագիտական քննությունից ստացած գնահատականի: Մասնագիտական քննությունից ստացած հավասար գնահատականների դեպքում հաշվի են առնվում հետևյալ ցուցանիշները ըստ հերթականության.

1) մագիստրոսի կամ դիպլոմավորված մասնագետի ընդհանուր միջին որակական գնահատականը.

2) բակալավրի և մագիստրոսի ընդհանուր միջին որակական գնահատականի գումարը.

3) հրատարակված գիտական աշխատանքների թիվը.

4) միջազգային կամ հանրապետական ուսանողական առարկայական մրցույթներում կամ օլիմպիադաներում ստացած դիպլոմները կամ միջազգային գիտաժողովներին մասնակցությունը (զեկուցումները):

Ասպիրանտի ընդունելության մասին որոշումը կայացնում է ՀՀ ԳԱԱ Նախագահությունը, հրամանագրումը կատարվում է համապատասխան գիտական կազմակերպության տնօրենի հրամանով՝ կնքելով ասպիրանտի հետ համապատասխան պայմանագիր:

Առկա ուսուցման և անվճար հիմունքով ասպիրանտուրա ընդունվածներին տրվում է սահմանված չափի պետական կրթաթոշակ՝ ընդունման օրվանից:

2. Դոկտորանտուրա

2.1. Դոկտորանտուրայում ձևակերպվում են ՀՀ այն քաղաքացիները, ովքեր ունեն գիտությունների թեկնածուի գիտական աստիճան: Դոկտորանտուրայի տևողությունը 3 տարի է:

2.2. Դոկտորանտուրայում ձևակերպվողները ներկայացնում են գիտական, տնտեսական կամ սոցիալ-մշակութային նշանակություն ունեցող հիմնարար կամ կիրառական հետազոտությունների ծրագիր (նախագիծ):

2.3. Դոկտորանտուրայում ձևակերպվելու համար դիմումը տրվում է համապատասխան գիտական կազմակերպության ղեկավարի անունով՝ կցելով հետևյալ փաստաթղթերը.

ա) գիտությունների թեկնածուի գիտական աստիճանի վկայագրի պատճենը (այլ երկրներում գիտական աստիճանի վկայագիր ստացածների համար՝ նաև ԲՈԿ-ի կողմից տրված համապատասխանեցման հավաստագիրը),

բ) դոկտորական ատենախոսության պլանը,

գ) ինքնակենսագրություն և 3 լուսանկար (3x4 չափսի),

դ) հրատարակված գիտական աշխատությունների, գյուտերի և հայտնագործությունների, ինչպես նաև կատարված գիտահետազոտական աշխատանքների հաշվետվությունների ցանկը:

2.4. Անձնագրը և գիտությունների թեկնածուի գիտական աստիճանի վկայագիրը ձևակերպվողը ներկայացնում է անձամբ:

2.5. Գիտական կազմակերպության համապատասխան բաժինը փաստաթղթերի քննարկման հիման վրա ներկայացնում է եզրակացություն, որի դրական արդյունքի դեպքում կազմակերպության գիտական խորհուրդը որոշում է ընդունում՝ թեկնածուին դոկտորանտ ձևակերպելու մասին: Դոկտորանտը ձևակերպվում է գիտական կազմակերպության ղեկավարի հրամանով, և նրա հետ կնքվում է պայմանագիր:

3. Հայցորդություն

3.1. Թեկնածուական ատենախոսության վրա աշխատող հայցորդներ կարող են լինել մագիստրոսի կամ դիպլոմավորված մասնագետի կրթական աստիճան ունեցող անձինք:

3.2. Հայցորդությունն իրականացվում է վճարովի և անվճար հիմունքներով, տվյալ կազմակերպության սահմանված կարգով, որի տևողությունը չի գերազանցում 5 տարին:

3.3. Հայցորդը ձևակերպվում է համաձայն ԳԱԱ համապատասխան գիտական կազմակերպության ղեկավարի անունով ներկայացված դիմումի՝ կցելով հետևյալ փաստաթղթերը.

1) մագիստրոսի կամ դիպլոմավորված մասնագետի և դրա հավելվածի պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին).

2) հրատարակված գիտական աշխատությունների ցուցակ կամ ընտրած մասնագիտությունից գիտական ռեֆերատ

3) ինքնակենսագրություն և երեք լուսանկար (3 x 4 չափսի)

4) քաղվածք աշխատանքային գրքույկից (եթե դիմողն աշխատում է):

3.4. Կազմակերպության ղեկավարը, հայցորդի և նախատեսվող գիտական ղեկավարի հետ հարցազրույցի արդյունքների և համապատասխան բաժնի եզրակացության հիման վրա, ԲՈԿ-ի կողմից հաստատված կարգի պահանջներին համապատասխան, հրամանագրում է հայցորդին՝ հաստատելով ատենախոսության թեման և գիտական ղեկավարին: